

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK
- Služba za privredu, financije i trezor -



Broj: 02-1236/18
Vareš, 27.09.2018.godine

Na osnovu člana 10. Odluke o organizaciji i načinu obavljanja taksiprijevoza putnika na području Zeničko-dobojskog kantona („ Službene novine Zeničko-dobojskog kantona“ broj 6/10 i 5/16) i člana 12. Pravilnika o načinu korištenja, redu i radu na taksistajalištima, rasporedu taksivozila na taksistajalištima i kriterijima za raspored taksivozila na taksistajalištima na području općine Vareš broj: 02/I-4272/16, od 31.10.2016. godine, Služba za privredu, financije i trezor općine Vareš raspisuje

JAVNI POZIV

za prikupljanje zahtjeva za raspored taksi vozila na taksi stajalištima na području općine Vareš za 2019.godinu

I

Objavljuje se Javni poziv za raspoređivanje taksivozila na taksistajalištima na području općine Vareš za 2019. godinu.

II

U skladu sa Zaključkom o broju i razmještaju taksistajališta, broju stajališnih mjesta, kategoriji taksistajališta i ukupnom broju taksivozila na području općine Vareš broj : 02/I-219-I/18, od 11.01.2018. godine, na taksistajališta se može rasporediti 4 taksivozila, s tim da se na jedno stajališno mjesto mogu rasporediti dva taksivozila.

III

Taksivozila se raspoređuju na sljedeća taksistajališta:

1. Vareš Majdan- 2 stajališna mjesta
2. Vareš- 4 stajališna mjesta

Raspored taksivozila na taksistajalištima se dodjeljuje na vremenski period od jedne godine.

IV

Podnosilac zahtjeva za raspored taksivozila na taksistajalištima mora ispunjavati sljedeće uslove:

1. Da posjeduje djelatnost taksiprijevoza i da mu je to osnovna djelatnost, te profesionalnu osposobljenost koja podrazumijeva:
 - a) da je registrovan za obavljanje djelatnosti,
 - b) da podnosilac zahtjeva-pravno lice zapošljava vozače koji imaju položen poseban ispit za taksivozača na području Zeničko-dobojskog kantona (broj vozača mora biti veći ili jednak broju vozila za koja se, u zahtjevu, traži raspored na stajališta),
 - c) da podnosilac zahtjeva-fizičko lice koje je nosilac odobrenja za obavljanje djelatnosti taksiprijevoza, a koje u zahtjevu traži raspored za dva vozila, zapošljava još minimalno jednog vozača koji ima položen poseban ispit za taksivozača na području Zeničko-dobojskog kantona.
- 2) Da ima sjedište/prebivalište na području općine Vareš najmanje jedan mjesec do dana podnošenja zahtjeva
- 3) Da uredno izmiruje obaveze u pogledu plaćanja javnih prihoda
- 4) Da nema izrečenu pravomoćnu odluku kojom je određena zaštitna mjera zabrane obavljanja djelatnosti javnog prijevoza dok ta mjera traje

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



V

Uz popunjen obrazac zahtjeva, podnosioc zahtjeva za raspored taksivozila na taksistajalištima dokazuje ispunjavanje uslova iz člana IV:

- 1) Pravna lica
 - a) Aktuelni izvod iz sudskog registra i obavještenje Federalnog zavoda za statistiku o razvrstavanju djelatnosti,
 - b) Prijava penzijsko-invalidskog osiguranja i uvjerenje o položenom posebnom ispitu za taksivozače za uposlene vozače,
 - c) Uvjerenje nadležnog poreznog organa da su uredno izmirene obaveze u pogledu plaćanja javnih prihoda sa danom 30.09.2018. godine ili zaključen sporazum o plaćanju duga u ratama,
 - d) Uvjerenje nadležnog suda da u posljednjoj godini dana od dana podnošenja zahtjeva za raspored nije više od jednom kažnjen za prekršaj iz Zakona o cestovnom prijevozu Federacije Bosne i Hercegovine („Službene novine FBiH“, broj 28/06 i 2/10) na osnovu kojeg je sud pravosnažnim rješenjem izrekao zaštitnu mjeru zabrane obavljanja djelatnosti javnog prijevoza.
- 2) Fizička lica
 - a) Važeće rješenje/odobrenje za obavljanje taksiprijevoza,
 - b) Potvrda nadležnog organa o prebivalištu na području općine Vareš,
 - c) Uvjerenje nadležnog poreznog organa da su uredno izmirene obaveze u pogledu plaćanja javnih prihoda sa danom 31.09.2018. godine ili zaključen sporazum o plaćanju duga u ratama,
 - d) Uvjerenje nadležnog suda da u posljednjoj godini od dana podnošenja zahtjeva za raspored nije više od jednom kažnjen za prekršaj iz Zakona o cestovnom prijevozu Federacije Bosne i Hercegovine („Službene novine FBiH“, br: 28/06 i 2/10) na osnovu kojeg je sud pravosnažnim rješenjem izrekao zaštitnu mjeru zabrane obavljanja djelatnosti javnog prijevoza.

Izuzetno, pored navedene dokumentacije, fizičko lice koje podnosi zahtjev za raspored dva vozila na taksistajalištima dužno je za uposlenog vozača dostaviti prijavu penzijsko-invalidskog osiguranja i uvjerenje o položenom ispitu za taksivozača.

Upute za popunjavanje obrasca zahtjeva date su na poleđini istog, a može se preuzeti na info pultu Općine Vareš.

VI

Visina naknade za korištenje taksistajališta će biti propisana Odlukom o visini naknade za zauzimanje javnih površina.

VII

Javni poziv za prikupljanje zahtjeva ostaje otvoren 14 dana od dana objavljivanja Javnog poziva u dnevnom listu, a biti će objavljen na oglasnoj ploči Općine Vareš.

Neblagovremene, kao i nepotpune zahtjeve Komisija neće razmatrati nego će ih svojim rješenjem odbaciti.

Nakon provedenog postupka Komisija utvrđuje Preliminarnu rang listu rasporeda taksivozila za svako taksistajalište iz javnog poziva i istu objavljuje na oglasnoj ploči Općine Vareš.

Na objavljenu Preliminarnu rang listu podnosioci zahtjeva mogu podnijeti žalbu Službi za prostorno uređenje, urbanizam, privredu i financije Općine Vareš u roku od 8 dana od dana objavljivanja iste.

Zahtjeve za raspored taksivozila dostaviti u zatvorenoj koverti sa naznakom:

„OTVARA KOMISIJA“,

Na adresu: OPĆINA VAREŠ, Služba za prostorno uređenje, urbanizam, privredu i financije, Komisija za provođenje postupka po Javnom pozivu za prikupljanje zahtjeva za raspored taksivozila na taksistajalištima na području općine Vareš za 2018. godinu,

DOSTAVLJENO:

1 x

POMOČNIK NAČELNIKA